

Papiamento den Bon Dia

Ernesto E. Rosenstand



PENSAMENTO DI UN PENSAMENTO

Nos pensamento pa e tau no di Don Marquis.
Marquis tabata un escritor Mericano.
El a yega di bisa:

NOS TA BIBA DEN UN MUNDO DEN CUA HENDE NO SA KICO E KIER Y NAN TA CLA PA BAI FIERNO PA POR HAY'E.

Un pensamiento basta largo.
Nos ta ripara cu tin hende cu no sa kico nan kier.
Awe nan kier esaki, mañan esaya.
Esaki tin di haber cu mentalidad di hende.
Nunca nos sa ta conforme.
Tempo di scol nos kier bira hende grandi.
Y ora nos ta grandi nos tin nostalgia pa temponan di scol.

NOS TA BIBA DEN UN MUNDO DEN CUA HENDE NO SA KICO E KIER Y NAN TA CLA PA BAI FIERNO PA HAY'E.

EXPRESIONAN

Den tur idioma nos tin expresionnan.
Esakinan ta mara na e cultura di e pueblo.
Nos lo trece pa boso algun di nos expresionnan.
Nos expresion pa awe ta:

PIESA TA SKEIRO

E ta nifica:

NAN TA TOCA HOPI PIESA

Ban usa mas expresion den nos dioma.

USO INTERESANTE

Ata un di nan aki:

MUCHANAN DI SCOL DI

Loke kier men:

NAN TA BISA

UNDA E FALTA...

BAN USA CORECTAMENTE NOS IDIOMA
Den e frase aki tin un falta.

YIU BOU DI INFLUENCIA...

UNDA E FALTA TA?
E falta ta cometi contra uso di e preposicion DI.
Nos no mester a us'e.
E frase corecto lo mester a bira:

YIU BOU INFLUENCIA...

Ban pone mas atencion riba uso nos idioma.

CONOCE MIHO NOS CARIBE

Den e serie di articulonan aki nos ta bai purba trata algo di nos region Caribense, como tambe di nos mes isla. Nos prome habitantenan a bin for di Asia masha hopi tempo pasa. Nan a drenta nos continente dor di Bering Straat.

Esaki a sosode masha hopi añanan pasa.
Tempo cu Beringstraat tabata un masa di ijs.
Esei a facilita e hendenan aki pa pasa bin aki banda.
Aki na sur America nan a parti y bai diferente direccion.
Pues nan no a keda biba na e mes un luga.
Di e manera aki a surgi e diferente tribunan cu nos conoce awendia.
No solamenter den Caribe, ma na henter Latino America.
E prome habitantenan di Caribe tabata hiba un bida hopi primitivo.
Nan tabata biba den e era di piedra.
Na herment tabata di piedra, pida calco y/o palo.
Na diferente parti di nos continente nan a laga dibuhonan riba baranca.
E diferente tribunan tabatin diferente cultura.
Esei a origina dor di e diferente luga unda nan tabata biba.
E culturanan tabata un mas avansa cu e otro.
Tribunan cu a biba den stadnan nan cultura tabata hopi halto.
Ehempel, Azteca, Maya y Incanan.
Esakinan a traha piramide, tempel y edificionan masha grandi y bunita mes.
Nan medionan di transporte tabata canoa den cua nan tabata navega riba e riunan.
Historiadornan ta kere cu nan tabata bai tambe for di un isla pa otro.
Esunnan cerca e continente tabata bai aya y esunnan di e continente tabata bishita nan tambe. Pues tabatin intercambio entre nan.
Te otro siman.